

Ilinniakkap aaqqissuunneqa rnera

*Nuna tamakkerlugu aqqutissiuussisussanut iliniartitaaneq (VGU) Nunatsinni ilinniartunut
inuussutissarsiortunullu aqqutissiuussisunut nangitsivilimmut*



Center for National Vejledning
Nuna Tamakkerlugu Ilitersuisarfik
Niuernermik Ilinniarfik Nuuk

Ilusaasa arfineq-aappassaat
2020

Aqqutissiuussisutut ilinniartitaanerup (VGU) nangitsivittallip aaqqissuussaanera

Nuna Tamakkerlugu Ilitersuisarfimmiit nutartigaq

Nutarterneqarpoq september 2020.

Imarisai:

1. Ilinniartitaanerup siunertaa
2. Ilinniartitaanerup ilusaa aqqissuussaaneralu
3. Ilinniartitaanerup sullinniagai piumasaqaatillu
4. Ilinniartitaanermi atuartitseriaatsit suleriaatsillu
5. Aqqutissiuussisutut ilinniarnermi misilitsinneq
6. Nangitsiviusuni siunertaasut, aqqissuussaanerit sivilissusaallu
7. Nangitsiviusuni misilitsinnerit
8. Takkuttussaatitaanerit allaaserisanillu tunniussisussaatitaanerit
9. Napparsimasimaneq patsisigalugu misilitsinneq, misilitseqqinneq maalaarfissallu
10. Ilinniarnermut uppersaatit
11. Ilinniartitaanermi ilinniartitsisut naliliisartullu
12. VGU-p immikkoortuini ilinniartunut siunertat
13. Ilinniartunut ataasiakkaanut nangitsiviusuni siunertat anguniagassallu

1. Ilinniartitaanerup siunertaa

Ilinniartitaanerup aqqissuunneqarnera una ” Nuna tamakkerlugu aqqutissiuussisussanut ilinniartitaaneq (VGU) Nunatsinni ilinniartunut inuussutissarsiortunullu aqqutissiuussisunut nangitsivilimmut”. Ilinniagaq Nuna Tamakkerlugu Iltersuisarfimmiit ingerlanneqarpoq/NTI, Inatsisartunut inatsisaaniit Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersumiit tunngaveqarpoq.

Aqqutissiuussisutut ilinniartitaaneq (VGU) meeqqanut, inuusuttunut inersimasunullu ilinniartitaaneq suliffeqarnerlu pillugit aqqutissiuussinermi pitsanngorsaaqataassaaq. Aqqutissiuussisutut ilinniartitaanerup aqqutissiuussisut ataasiakkaat piginnaasaat qaffassassavai Nunatsinnilu aqqutissiuusseriaatsit assigiinngitsut piorsaaqataaffigissallugit, aammalu najukkani nunallu immikkoortuini aqqutissiuussisoqatigiit ataatsimoorfiinik pilersitseqataassallutik taakkualu ingerlaavarnissaannut suleqataassallutik. Immikkoortut ataasiakkaat siunertaat kapitali 13-imi aamma kapitali 14-imi (nangitsiffiit) allaaserineqarput.

2. Ilinniartitaanerup ilusaa aqqissuussaaneralu

Aqqutissiuussisutut ilinniartitaaneq nalunaaquttap akunnerinik 352-inik sivilissusiligaavoq nikerartuullunilu, tassa atuartitsinerit immikkoortut 4-aallutik namminersorlunilu ilinniarnert

praktikkernertallit 4-aallutik. Atuartitsinermik immikkoortut katillugit nalunaaquttap akunnerinik 160- nik sivilissuseqarput. Namminersorluni ilinniarnert praktikkerntallit katillugit nalunaaquttap akunnerinik 180-inik sivilissuseqarput. Misilitsinnissamut piareersarnek, misilitsinneq, allagartartaarnek naggataarnerlu katillugit nalunaaquttap akunnerinik 12-inik sivilissuseqarput.

Ilinniartut ilinniarnertup ingerlanerani aammalu namminersorluni ilinniarnert praktikkerinillu ingerlanerini ilinniartitsisut ilaannit aqqutissiuunneqarnissamik neqeroorfigineqartassapput. Aqqutissiuussineq qarasaasiaq aqqutigalugu ingerlanneqartassaaq immikkoortunilu 2, 4, 6-mi nalunaaquttap akunnerinik 10-nik sivilissuseqartassalluni, immikkoortumilu 8-mi (misilitsissutissamik suliaqarnermi) nalunaaquttap akunnerinik 10-nik sivilissuseqassalluni.

Aqqutissiuusutup ilinniarnertup ingerlannga - takussutissiaq:

Immikkoortoq 1	Atuartitsineq	Akunnerit 40
Immikkoortoq 2	Namminersorneq praktikkilu	Akunnerit 40
Immikkoortoq 3	Atuartitsineq	Akunnerit 40
Immikkoortoq 4	Namminersorneq praktikkilu	Akunnerit 40
Immikkoortoq 5	Atuartitsineq	Akunnerit 40
Immikkoortoq 6	Namminersorneq praktikkilu	Akunnerit 40
Immikkoortoq 7	Atuartitsineq	Akunnerit 40
Immikkoortoq 8	Misilitsissusiorneg	Akunnerit 60
	Naggataarnek misilitsinnerlu	Akunnerit 12

3. Ilinniartitaanerup sullinniagai piumasaqaatillu

Aqqutissiuussisunik ilinniartitaaneq kikkunnulluunniit meeqqanik, inuusuttunik inersimasunillu ilinniartitaanermut inuussutissarsiutinullu tunngassutilinnut aqqutissiuussisunut saaffiginnippoq. Ilinniartussat immikkut naliliivigineqarnertik tunngavigalugu toqqarneqartarput. Qinnuteqartup inuussutissarsiummik ilinniakkamillu akuerisaasumik naammassinnissimanissaa suliaminillu sungiussisimanerminik takutitsisinnanissaa pingaartinneqarpoq.

Atuakkat sammisamut tunngasut amerlanersaat qallunaatuinnaq naqitaapput (tuluttulluunniit) annikitsuinnaallu kalaallisuujuullutik. Taamaattumik ilinniartup naatsorsuutigisariaqarpaa atuartitaaneq qallunaatut ingerlanneqassammat.

Aammattaaq ilinniarumut piumasaqaataavoq, ilinniartup qarasaasiamut aamma/immaqaluunniit tablemik internetsimut attavilimmik, webcamilimmik, mikrofonilimmik aamma sulinermi software, programmit app-illuunniit pisariaqartinneqartunik peqarnissaa, taakku annertunerusumik

aqqut.gl-mi atuarneqarsinnaapput.

Aqqutissiuussisutut naammassinerup kingorna VGU-p nangitsiviinut ingerlaqqinnissaq allamilluunniit ilinniagaqaqqinnissamut periarfissiivoq.

4. Ilinniartitaanermi atuartitseriaatsit suleriaatsillu

Ilinniakkami immikkoortut aqqqissugaapput atuartitsinermi immikkoortuni sammisanut tunngasunik saqqummiivittut; ataasiakkaarluni suleqatigiikkaarlunuunniit suliaqarnerit piviusuusaartitsillunilu misissuinerit saqqummiinernik naggaserneqartartut. Ilinniartitaanermi pingaartinneqarpoq ilinniartut aqqutissiuussinermik piginnaasaminnik sungiusarnissaannut periarfissaqarnissaat aammalu aqqutissiuussinermi periutsinik assigiinngitsunik ilikkagaqarnissaat. Pingaartinneqarportaaq ilinniartut ilinniartitaanermut inuussutissarsiutinullu tunngasunik annertuunik ilisimasaqalernissaat, taamaammallu immikkoortut tamarmik ilinniartinnut pulaarnernik aammalu/imaluunniit suliffeqarfinnit ilinniartinnuunniit pulaartoqarluni saqqummiinernik imaqartassapput.

Nammineerluni atuagarsornerit praktikkernerillu nalaanni ilinniartut namminerisamik suleqatigiinnuunniit minnerusuni suliaassutit suliaqartassapput aammalu ingerlariaatsinik najukkami, nunaminni nunarsuarmilu atorneqartunik aqqutissiuussisutut sulinissaminnut piareersarnerminnut ingerlatsinissaminnullu pingaarutilinnik ujartuinissamut sungiusarneqassallutik. Tamakkua saniatigut aqqutissiuussinermi periutsit sungiusarneqassapput, aammalu aqqutissiuussinermik sullissinermi piareersaasiorneq, ingerlatsineq, naliliineq pitsanngorsaanerlu sullitanut assigiinngitsunut sammivilerlugit misilittaavigineqassallutik.

5. Aqqutissiuussisutut ilinniarnermi misilitsinneq

Aqqutissiusutut ilinniarneq naggaserneqassaaq oqaluttariarsorluni misilitsinnikkut avataaniit kukkunersuisulerkutik. Misilitsinnermi najoqqutarineqassaaq inuttut ataasiakkaatut, misilitsinnermi allaaserisaq, sammisamik nammineq toqqakkamik aallartiffeqassalluni, ilinniarnermi atuakkersornermi sammineqarsimasut aallaavigalugit.

Misilitsissutissatut suliaq minnerpaamik quppernernik 8-nik annerpaamillu quppernernik 15-inik annertussuseqassaaq tunngavigissallugulu aqqqitassatut suliniutissaq ilinniartitaanermi ilinniartitsisut ilaannit akuerisaasoq. Quppernermik nalinginnaasumik taaneqartarpoq qupperneq 2200-inik naqinnilik, Times New Roman atorlugu angissutsimik 12-imik naqitaq titarnernillu 1½-nik akuttussusilik. Suliassiissut qallunaatut allanneqassaaq, takuuk Niuernermik Ilinniarfiup misilitsinnernut maleruaqqusai (<http://ninuuk.gl/studievejledning/eksamenshaandbog/>)

Oqaluttariarsornermik misilitsinneq ataasiakkaarluni ingerlanneqassaaq pissutsillu immikkut ittut tunngavigalugit qarasaasiakkut (videokonference atorlugu) ingerlanneqarsinnaalluni. Misilitsinneq

minutsinik 45-nik sivilissuseqarpoq (naliliineq ilanngullugu) allaaserisarluni aallaavigalugu ingerlanneqassalluni. Misilitsinnerup takutissavaa ilinniartup ilinniartitaanermini sammineqartunik tamakkiisumik aammalu allaaserisami sammineqartunut tunngasunik paasinnilluarsimanera. GGS-imik nalileeriaaseq tunngavigalugu allaaserisaq oqaluttariarsorlunilu misilitsinneq ataatsimut karakterilerneqassapput. Misilitsinnermi angusisoqassaaq karakteri E taassuminngaluunniit qaffasinnerusoq pissarsiarigaanni, takuuk Inatsisartut karakteriliisarneq allatullu naliliisarneq pillugit nalunaarutaat nr. 14, 23. juni 2008-meersoq.

6. Nangitsiviusuni siunertaasut, aqqissuussaaneerit sivilissusaallu

Pikkorissarnerni nangitsiviusuni siunertaavoq ilinniartup tunngaviumik ilinniareernermini kingorna immikkut sammisanut ilinniarnernup inuussutissarsiornerullu tungaannut aqqutissiuussinerit iluanniittunut piginnaasaminik qaffassaanissaa. Sammiviit sisamaasut ukua toqqarneqarsinnaapput:

- 1) Ikaarsaariarnermi aqqutissiuussineq
- 2) Naammassinninnissamut aqqutissiuussineq
- 3) Inersimasunik aqqutissiuussineq qaffassarnissarluni
- 4) Inuusuttut inersimasullu aqqutissiuunneqarnissamik immikkut pisariaqartitsisut

Immikkoortut nal. Ak. 90-inik sivilissuseqarnissaat akuerisaavoq nikerartutullu ingerlassassaalluni, tassa atuartitaanerit immikkoortut marluusut, namminersorluni ingerlanerit marluusut inaarutaasumillu misilitsinneq. Immikkoortuni ataasiakkaani ilinniagassatut anguniagassat Imm. 13-imi allaaserineqarput.

Nangitsiviusut aqqissugaanerit- takussutisiaq

Atuartitsineq 1	Namm. ingerlaneq	Atuartitsineq 2	Namm. ingerlaneq	Misilitsinneq
Akunnerit 15	Akunnerit 30	Akunnerit 15	Akunnerit 30	

Nammineerluni ingerlatsinerni marluusuni aqqutissiuussisoqartassaaq nalunaquttap akunneisa 2x5 nalinginik sivilissusilinni. Aqqutissiuussineq annerusumik aqqutissiuussisut nittartagaanni oqallittarfik aqqutigalugu ingerlanneqartassaaq. Aqqutissiuussisut nittartagaanni www.aqqut.gl takuneqarsinnaavoq qulequttat suut neqeroorutaanersut.

7. Nangitsiviusuni misilitsinnerit

Pikkorissarnerit nangitsiviusut namminersorluni ingerlanermini nammineq toqqakkatut annertusisamik allaaserinninneq toqqammavigalugu oqaluttariarsorluni misilitsinnermik naggaserneqassapput. Allaaserisaq nammineq toqqarneqassaaq sammisamut sammissalluni CVG-milu aqqutissiuussisut ilaannit akuerineqassalluni. Nangitsivimmi allaaserisaq annerpaamik

quppernernik 10-nik annertussuseqassaaq. Quppernermik nalinginnaasumik taaneqartarpoq qupperneq 2200-inik naqinnilik, Times New Roman atorlugu angissutsimik 12-imik naqitaq titarnernillu 1½-nik akuttussusilik. Allaaserisap takutissaa ilinniartup nammineq suliffigisani nalilersorsinnaagaa aammalu taassuma siuarsarnissaanut siunnersuutiniq tunngavilersukkanik saqqummiisinaanera. Suliassiissut qallunaatut allanneqassaaq, takuuk Niuernermik Ilinniartuup misilitsinnernut maleruaqqusai.

Oqaluttariarsornermik misilitsinneq ataasiakkaarluni ilaatigullu qarasaasiakkut (videokonference) ingerlanneqassaaq. Misilitsinneq minutsinik 30-nik sivilissuseqarpoq (naliliineq ilanngullugu) allaaserisarluni aallaavigalugu ingerlanneqassalluni. GGS-imik nalileeriaaseq tunngavigalugu allaaserisaq oqaluttariarsorlunilu misilitsinneq ataatsimut karakterilerneqassapput. Misilitsinnermi angusisoqassaaq karakteri E taassuminngaluunniit qaffasinnerusoq pissarsiarigaanni, takuuk Inatsisartut karakteriliisarneq allatullu naliliisarneq pillugit nalunaarutaat nr. 14, 23. juni 2008-meersoq.

8. Takkuttussaataanerit allaaserisanillu tunniussisussaataanerit

Ilinniartuq ilinniarnermi immikkoortumi piffissaliussaq 20 %-imik sinnerluguluunniit takkutinngitsoorpat tamanna "naammassinngitsoornermik" nalilerneqassaaq, ilinniartullu immikkoortuq pineqartuq uteqqittariaqassavaa. Pisuni immikkut ittuni isumaqatigiissutigineqarsinnaavoq ilinniartuq atuanngitsoornerminut taarsiullugu allaaserisamik tunniussissasoq (immikkoortuq 3-miunngitsoq).

Taarsiullugu allaaserisaq immikkoortumi pineqartumi sammisat arlaannik ataatsimik arlalinnilluunniit imaqassaaq takutissallugulu ilinniartup sammisami anguniakkat angusimagai. Suliassiissutit ilinniarnernup ingerlanerani ilinniartumut tunniunneqartut tamarmik tunniunneqarsimassapput ilinniartuq misilitsinnissamut innersuunneqartinnagu.

9. Napparsimasimaneq patsisigalugu misilitsinneq, misilitseqqinneq maalaarfissallulinniarnermut uppernarsaatit

Ilinniartut napparsimanertik patsisigalugu VGU-mut misilitsissinnaanngitsut imaluunniit nangitsivimmi misilitsissinnaanngitsut qinnuteqarsinnaapput kingusinnerusukkut misilitsinnissaminnik. Napparsimaneq patsisigalugu misilitsinneq nalinginnaasumik misilitsiffik qaammatinik 6-inik qaangertinnagu ingerlanneqassaaq. Nakorsap uppernarsaataa ilinniartumit namminermit akiligaq misilitsinnissamut qinnuteqaammut ilanngunneqassaaq.

Ilinniartuq VGU-mi naggataarutaasumik misilitsinnermi nangitsivimmiluunniit misilitsinnermi angusingitsoortoq misilitseqqinnissaminut qinnuteqarsinnaavoq. Misilitseqqinneq pigajuttarpoq VGUm nangitsivimmiluunniit tullissaanik misilitsinnerup ingerlanneqarnerata nalaani. Ilinniartuq marloriaannarluni misilitseqqinnissamut qinnuteqarsinnaavoq.

Misilitsinnermi inerniliussanut ingerlanneqarneranullu naammagittaalliutit Nuna Tamakkerlugu Ilitersuisarfimmut ingerlanneqassapput misilitsinnermit ullut 14-it qaangiutsinnagit.

10. Ilinniarnermut uppersaatiit

Aqqutissiuussisutut ilinniakkamik angusinerup aammalu nangitsivimmi ilinniakkamik angusinerup kingorna ilinniakkamut uppersaammik tunniussisoqassaaq. Ilinniakkamut uppersaatiit 7 nalunaarsorsimapput ilinniakkap/immikkoortup imaa annertussusaalu, misilitsissutissatut allaaserisap aqqa kiisalu misilitsinnermi karakteriliusaaq. Ilinniartut nangitsiviusunik 2-nik angusaqarsimasut ilinniarnermut uppersaammik tunineqassapput, tassani allassimassallutik "Aqqutissiuussisutut ilinniarneq nangitsivittalik" kiisalu nagitsiviit marluk naammassiat aqqi.

11. Ilinniartitaanermi ilinniartitsisut naliliisartullu

12. VGU-p immikkoortuini ilinniartunut siunertat

Immikkoortoq 1: Aqqutissiuussineq aqqutissiuussisorlu

Siunertaq:

Immikkoortumi siunertaavoq ilinniartup aqqutissiuussinermi atuagarsornikkut periutsikkullu toqqammavinnik aammalu Nunatsinni inuiaqatigiit akornanni ilinniartitaanermut suliffissaqarnermullu aqqutissiuussisup inissisimaneranik suliaanillu ilisimasaqalernissaa.

Anguniagaq:

- Ilinniartumut anguniagassatut siunniunneqartoq tassaavoq ilinniartup angusimassagaa:
- aqqutissiuussinerup atuagarsornikkut periutsigullu tunngaviinik ilisimasaqarnek, tassanissaaq pineqarlutik toqqaanermut, toqqaariaatsimut ingerlariaqqiffinnillu paasinninneq
- aqqutissiuussinerni sakkut periutsillu assigiinngitsut atornissaasa pingaarutaannik paasinninneq
- oqaloqatigeeriaatsinik nalinginnaasunik ilisimasaqarnek
- Nunatsinni aqqutissiuussinerup ingerlanneqarneranut sinaakkutassanik periarfissanillu ilisimasaqarnek
- aqqutissiuussinerup inissisimaneranik suliaanillu paasinninneq inuttut ataasiakkaatut, suliffeqarfittut inuiaqatigiittullu isigalugu
- anguniakkanut assigiinngitsunut paasissutissiinermi aqqutissiuussinermilu sakkussanik pioreersunik ilisimasaqarnek.

Imarisai:

- Qaffassarnissamut, toqqaanissamut toqqaariaatsinullu eqqarsariaatsit aqputissiueriaatsillu taakkununga tunngasut
- Ataasiakkaanik aqputissiuinermi periutsit – killiffiit imarisaallu
- Aqputissiuussinermi sakkussat pillugit oqaloqatigiinneq
- Nunagisami Nunarsuarmilu aqputissiuussinerup inissisimanagera
- Aqputissiuussinerup siunertaa, aaqqissuganagera suleqateqarnerlu
- Paasissutissiuinermi aqputissiuussinermilu atortut kiisalu aqputissiuussinermi atortut qarasaasiakkoortut

Immikkoortoq 2: Praktikkerneq namminersorlunilu ilinniarneq

Siunertaq:

Immikkoortumi siunertarineqarpoq ilinniartup aqputissiuusseriaatsini assigiinngitsuni misissuineq oqalliseqataanerlu misilittagaqarfigilissagai taakkualu sulinerminni isumaqarsinnaaner at eqqarsaatersuutigissagat. Siunertaavortaaq ilinniartooq oqaloqateqariaatsinik assigiinngitsunik misilittagaqalissasoq aammalu paasissutissiuinermut aqputissiuussinermullu sakkussanik ujartuisinnaassasoq.

Imarisai:

- Atuagarsornerit suleqatigiinnilu sulinerit – aqputissiuussinermik teoriinik taakkualu sullivimmi pingaaruteqarnerinik itisiliinerit, eqqarsaatersornerit oqallinnerillu.
- Ataasiakkaarlu oqaloqatigeeriaatsinik sungiusarnerit – sungiusaatit misilittakkanillu katersinerit
- Paasissutissiuinerni aqputissiuussinernilu atortunik assigiinngitsunik, attaveqaatinik qarasaasiamilu oqallifinnik misilittaanerit.

Immikkoortoq 3: Aqputissiuussaq aqputissiuussinerlu

Siunertaq:

Immikkoortumi siunertarineqarpoq ilinniartooq inuup ineriartorneranut toqqaanissamullu periarfissaanut paasisimasaqalissasoq ilinniagaqalernissamut inuussutissarsiuteqalernissamullu toqqaaniarnermi pitsaasumik aqputissiuussisinnaalernissani siunertaralugu. Siunertaavortaaq ilinniartooq aqputissiuussinermi periutsinik assigiinngitsunik atuinissaminut sungiussilluassasoq taakkuninngalu atuinerup pingaarutaanik paasinnissinnaalissasoq.

Anguniagaq:

- Ilinniartumut ilikkagassatut siunniussat tassaapput ilinniartoq: - inuup tarnikkut inooqatigiinnikkullu ineriartorneranik paasisimasaqalissasoq, tassunga ilaallutik taakkua kulturikkut inuttullu ataasiakkaatut inuutissarsiornermi qaffakkiartornissamut toqqaanissamullu tunngaviinik paasisimasaqalerneq.
- Immikkut isigisariallit ilinniagaqalernissamut inuussutissarsiuteqalernissamullu periarfissaannik paasisimasaqalissasoq.
- aqqutissiuussinermi periutsinik amerliartortunik atuinissaminut misilittagaqalissasoq
- inuit ataasiakkaat inuiaqatigiilu akornanni pissanganartofiusuni ileqqorissaarnerup tungaatigut unammilligassanut paasinnissinnaalerneq.
- aqqutissiuussinermi nammineq piginnaasat nalingisa ilimanaataasalu pingaarutaannik paasinnissinnaalerneq.

Imarisai:

- Aqqutissiuussinernup ingerlarna – periutsit oqaloqatiginneriaatsillu
- Video utertitsiffiginninnerillu sakkugalugit oqaloqatiginneriaatsinik sungiusarnerit 9
- Meeqqat, inuusuttut inersimasullu ineriartornerannut teoriit, tarnip pissusaa, sociologi ilikkagaqarsinnaanerlu salliutillugit
- Toqqaanissanut toqqaariaatsinullu tunngatillugu Inunnik isiginneriaaseq paasinnittarnerlu
- Aqqutissiuussinermi sullitassatut anguniakkat taakkualu pisariaqartitaat periarfissaallu
- Aqqutissiuussinermi ileqqorissaarneq aqutsivinnilu tunngaviusut

Immikkoortoq 4: Praktikkerneq namminersorlunilu ilinniarneq

Siunertaq:

Immikkoortumi siunertarineqarpoq ilinniartoq aqqutissiuussinernup sullinniagaanik kinaassusersiuinermik misilittagaqalissasoq taakkualu inuttut immikkoorutaannik kiisalu inuussutissarsiornermik ilinniagaqarnermillu toqqaaniarnerminni immikkuullarissusaannik periarfissaannillu takorluuisinnaalissasoq. Siunertaavortaaq ilinniartoq aqqutissiuussinermi periutsinik assigiinngitsunik atuisinnaalerlunilu atornerinik isumaliutersorsinnaalissasoq.

Imarisai:

- Anguniakkatut toqqakkat immikkuullarequtaannik kiisalu inuutissarsiornermi qaffariartornermilu ilisimariikkat immikkuullarissut katersorneri, misissoqqissaarneri allaaserinerilu.
- Aqqutissiuussinermi periutsinik sungiusarneq – sungiusarneq misilittakkanillu katersineq
- Nammineq aqqutissiuussinermik misissuineq naliliinerlu kiisalu ineriartortitassatut pisariaqartitanik eqqarsaatersorneq
- Atuagarsorluni ilinniarneq – ilinniartitaaneq inuussutissarsiutillu

Immikkoortoq 5: Aqqutissiuussineq inuiaqatigiillu

Siunertaq:

Immikkoortumi siunertarineqarpoq ilinniartoq inuiaqatigiit ineriartornerannut tunngasunik annertuunik ilinniartitaanerup inuussutissarsiuteqarnerullu tungaanut aqqutissiuussinermut sunniuteqarsinnaasunik paasisimasaqalissasoq. Siunertaavortaaq ilinniartoq inuussutissarsiutinik ilinniartitaanermillu aammalu inuusuttut inersimasullu ilinniakkaminni/suliaminni qaffakkiartornerannut suliaannullu pingaarutilittut attuumassusilinnik ilisimasaqalissasoq.

Anguniagaq:

- Ilinniartup ilinniagaqarnerani siunertaavoq
- Inuiaqatigiit siuariartorneranni inuit ilinniagaqartarnerannut, suliaannut toqqagaannullu pingaarutilinnik ilisimasaqalissaoq
- Nunatsinni nunattalu avataani inuussutissarsiuteqarnerup aqqqissugaanerani, suliaqarfinnik suliffissaasinnaasunillu ilisimasaqalissasoq
- Nunatsinni nunattalu avataani ilinniarfiit aqqqissugaanerini ilinniarfiusinnaasunillu ilisimasaqalissasoq
- Inuttut ataasiakkaatut piginnaasanik misissueqqissaarnermik naliliinermillu ilisimasaqalissasoq

Imarisai:

- Nunatsinni nunarsuarmilu ineriartornerit sulinermut ilinniagaqarnermullu pingaaruteqarsinnaasut
- Inuuneq naallugu ilinniarneq, piginnaasanik misissueqqissaarneq naliliinerlu
- Ilinniartitaanerup aqqqissugaanera, ilinniakkani/suliami qaffakkiartorfissat, qinnuteqartarnerit aningaasatigullu tapiiffigineqarnissamut periarfissat
- Inuussutissarsiornermut suliffeqarnermullu tunngassutillit inuusuttut inersimasullu suliffeqarnerannut kiisalu ilinniakkaminni/suliaminni qaffakkiartorsinnaanerannut pingaarutillit, tassunga ilaallutik siursaaneq sanaartortitsinerlu

Immikkoortoq 6: Praktikkerneq namminersorlunilu ilinniarneq

Siunertaq:

Immikkoortumi siunertarineqarpoq ilinniartoq najukkami nunattalu avataani ilinniagaqarnissamut suliffissaqarnissamullu periarfissaannik ilisimasaqalissasoq, kiisalu aqqutissiukkami assigiinngitsut piginnaasaanik misissueqqissaarsinnaalernissaa naliliisinnaalernissaalu.

Imarisai:

- Najukkami suliffeqarneq, suliffissuarni piginnaasanik pisariaqartitsineq sulisorisallu katitigaanerat.
- Najukkami ilinniarfissanut periarfissanik aammalu ullumikkut siunissamilu pisariaqartitanik katersineq, misissuineq naliliinerlu
- Nammineq aqqutissiuussinerup oqaluttuarinera naliliiffigineralu, kiisalu siursaannissamullu pisariaqartitsinerup eqqarsaatersuutiginera

Immikkoortoq 7: Naliliineq, Piginnaasanik qaffassaaneq ingerlatitsinerlu

Siunertaq:

Immikkoortumi siunertarineqarpoq ilinniartooq aqutissiueriaatsimik tunngaviusumik aqutissiuussinerullu qaffassarnissaanut suliniarnermik ilisimasaqalissasoq aammalu nammineq sulinermi misissuinissamut naliliinissamullu sakkussaminut aqutissiuunneqassasoq. Siunertaavortaaq ilinniartooq aqutissiuussinermik suliaasiissutini aporfiusinnaasunik oqaluttariarsornikkut allattariarsornikkullu ingerlatitseqqissinnaanissaminut ilisimasaqalissasoq.

Anguniagaq:

- Ilinniartumut ilikkagassatut siunniussat tassaapput ilinniartooq:
- aqutissiuussinermi unammilligassanik ajornartorsiutinillu ilisarinnissinnaalissasoq, misissuinnaalerluni nassuiaasinnaalerlunilu
- meeqqanut, inuusuttunut inersimasunullu aqutissiuussinissanik assigiinngitsunik pisariaqartitsisunut ineriartortitsinissamut, piareersaanissamut, ingerlatsinissamut naliliinissamullu piginnaasaqalissasoq - aqutissiuussinermik suliaasiissutini aporfiusinnaasunik misilitsinnissamut allaaserisamut 11 tunngassutilinnik allakkatigut oqaatsillu atorlugit ingerlatitseqqissinnaalissasoq

Imarisai:

- Nalileeriaatsini teoriit aammalu naliliinermi periutsit aqutissiuussinerullu qaffassarnissaa.
- Ajornartorsiutini oqaasertaliisinnaaneq kiisalu aqutissiuussinermi ajornartorsiutaasinnaasunik suliaqarneq
- Allattariarsornermik suliaqarneq – ilusilersornera, aqqissugaanera saqqummiisinnaanerlu
- Inaarutaasumik suliaqarnissamut pilersaarut

Immikkoortoq 8: Misilitsissutissamik allaaserinninneq

Siunertaq:

Ilinniartup misilitsissutissamik suliaqarnissaanut siunertaavooq ilinniartup ilinniagaqarnermut inuussutissarsiuteqarnermullu siuarsaanermut pingaarutilinnik aqutissiuussinermini ajornartorsiutaasinnaasunik takunnissinnaanissamut, misissuinnaanissamut naliliisinnaanissamullu piginnaasaqarnerminik takutitsinissaa. Siunertaavortaaq ilinniartooq sulinermini iliuusaasinnaasunik, inernerusinnaasunik ineriartuutaasinnaasunillu iliniarnermini teoriinut periutsinullu sammisimasaminut tunngassutilinnik ersarissaasinnaanissaa.

Anguniagaq:

Inaarutaasumik misilitsinnissamut suliaqarnermi anguniagassatut siunniussaavooq ilinniartooq:

- Ilinniagaqarnermut, inuussutissarsiuteqarnermut aammalu ilinniakkami/suliami

qaffassarnissamut aqputissiuussinermi teoriinik, periutsinik sulinermillu
ilisimasaqalersimasasq

- Suliassatut sammisap teoriivini, periutsinik suleriaatsimillu paasinnisinnaassasq
- Piginnaasanik, periutsinik sakkussanillu ilinniagaqarnermut, inuussutissarsiuteqarnermut aammalu ilinniakkami/suliami qaffassarnissamut aqputissiuussinermut attuumassusilinnik atuisinnaassasq
- Aqputissiuussanut assigiinngitsunik pisariaqartitsisunut tunngatillugu aaqqiissutissanik naleqquttunik tunngavilersuillunilu toqqaasinnaassasq

2. Ilinniagassat nangitsiviit – siunertaq anguniagarlu

Nangitsivimmi immikkoortoq 1: Ikaarsaariarfimmi aqputissiuussineq

Siunertaq:

Immikkoortumi siunertarineqarpoq ilinniartaq ikaarsaariarfimmi aqputissiuussinermi sammivinnik assigiinngitsunik ilisimasaqalissasq aammalu nammineq sulinerminik misissuillunilu nalilersuisinnaalissasq. Siunertaavortaaq ilinniartaq aqputissiuussinermik suliniuteqarnermi periusissamik ikaarsaariarnermut immikkut tunngassutilimmik inerisaasinnaalissasq.

Anguniagaq:

Ilinniartumut anguniagassatut siunniussat tassaapput ilinniartaq

- Ikaarsaariarfimmi aqputissiuussinerup siunertaanik, aaqqissugaaneranik suleqatigisanillu ilisimasaqalissasq
- Ikaarsaariarnermi ajornartorsiutaasinnaasunut teoriinik kiisalu inuusuttut inersimasullu allannguinerminni ajornartorsiutigisinnaasaannik takunnissinnaassasq
- Aqputissiuussinermi periutsinik inuusuttunut inersimasunullu tunngasunik ilisimasaqalissasq
- Aqputissiuusseriaatsini aalajangersimasuni periusissanik ikaarsaariarfinni ajornartorsitinut tunngasunik misissuinerni, oqaasertaliinerni naliliinernilu misilittagaqalissasq.

Imarisai:

- Ikaarsaariarfinni aqputissiuussinerup siunertaa, aaqqissugaanera suleqatigisallu
- Ikaarsaariarfinni ajornartorsititut teoriit (transitioner) kiisalu tarnikkut, inooqatigiinnikkut kulturikkullu immikkuullarissutsit taakununga sunniutillit.
- Ikaarsaariarfinni aqputissiuussinermi periutsit pilersaarutillu.
- Ikaarsaariarfini ajornartorsiutaasartut immikkut ittut meeqqat atuariannit inuusuttut ilinniarfiinut/Piareerarfinnut ikaarsaarnernut aammalu inuusuttut ilinniarfiinit annertunerusumik ilinniarfinnut/ inuussutissarsiutinut ikaarsaarnernut tunngassutillit.

Nangitsivimmi immikkoortoq 2: Naammassinninnissamut aqputissiuussineq

Siunertaq:

Immikkoortumi siunertarineqarpoq ilinniartuq inuusuttut inersimasullu ilinniarnissamut ilikkagaqarnissamullu periarfissaannik ilisimasaqalissasoq, taamaalillunilu atuartut naammassinninnissaminut periarfissaannik ineriartortitsinermik, aqqissuussinermik aallarnisaanermillu piginnaasaqalissalluni.

Anguniagaq:

- Ilinniartup anguniagassaatus pilersaarutit tassaapput ilinniartuq:
- Ilinniarfiit immikkuullarissusaannik, imarisaannik aqqissugaanerannillu aammlu ilinniarfinni assigiinngitsuni atuagarsornikkut ajornartorsiutaasartunik ilisimasaqalissasoq.
- Kajumissuseqalersitsinissamut teoriinik aammalu pissutsinik atuartut/ilinniartut ilinniarnerninnik attassiinnarnissaannut tunngassutilinnik ilisimasaqalissasoq
- Aqqutissiueriaatsinik inerisaanermik aammalu suliniutinik maanaannakkut unittoortarnerup pinaveersaartinneqarnissaanut pilersaarutitik ineriartortitsinernik ilisimasaqalissasoq.

Imarisai:

- Ilinniartitaanerup iluani ilinniarnissamut inuussutissarsiutinullu aqqutissiuussineq – meeqqat atuarfiinit/Piareersarfimmit inuusuttut ilinniarfiinut ilinniarfinnullu qaffasinnerusunut
- Maanaannaq unittoortarnermik ajornartorsiutit – tassunga ilaallutik inuuniarnermut, suaassutsimut kulturimullu tunngasuni ajornartorsiutit
- Piumassuseq maanaannarlu unittortarnerup pinaveersaartinneqarnera – aqqutissiuussinermi iliuutsit periutsillu
- Ingerlaqqinnissamut tunngasut toqqaaniarnermilu piginnaasanik inerisaaneq
- Suleqatigiinneq attaveqaatillu

Nangitsivimmi immikkoortoq 3: Inersimasunik aqqutissiuussineq ingerlaqqinnissamullu piareersarneq**Siunertaq:**

Immikkoortumi siunertarineqarpoq ilinniartuq inersimasut ingerlaqqinnissamut inerisaanerannut toqqaaniarnerannullu tunngassutilinnik immikkuullarissunik ilisimasaqalissasoq aqqutissiuinissamut periusissamik eqqortumik pilersitsinissaq siunertaralugu. Siunertaavortaaq ilinniartuq aqqutissiuussinermi teoriinik periutsinillu assigiinngitsunik inersimasunut tunngasunik ilisimasaqalissasoq.

Anguniagaq:

Ilinniartup anguniagassaatus pilersaarutit tassaapput ilinniartuq:

- Inersimasut ingerlariaqqittarnerannik toqqaasarnerannillu paasinninnissaminut

aqutissiuusseriaatsit teoriivinik takunnissinnaalissasoq

- Piginnaasanik qaqlerinermit naliliinermilu periutsinik ilisimasaqalissasoq
- Inuup ingerlaarfigisimasaanik piviusuusaartitanillu suliaqarnermik misilittagaqalissasoq aammalu inersimasut aqutissiuunneqarnissamik pisariaqartitsinerannik misissuisinnaalissasoq naliliisinnaanngorlunilu

Imarisai:

- Suliffissarsiuussisarfinni Piareersarfinnilu inersimasunik aqutissiuussineq
- Inuuneq tamaat ilinniarneq ingerlaqqinnerlu
- Inersimasut tarnikkut pissusaat, inuunerisa ingerlarnat inuunermilu aqqusaagaat
- Ingerlariaqqinnermut teoriit aammalu piginnaasanik ineriartortitsinissamut piumassuseq
- Piginnaasat- misissuineq naliliinerlu
- Piginnaasanut piumasaqaatit inuussutissarsiuteqarnerullu ineriartornera.

Nangitsivimmi immikkoortoq 4: Inuusuttut inersimasullu aqutissiuunneqarnissamut immikkut pisariaqartitsisut

Siunertaq:

Immikkoortumi siunertarineqarpoq ilinniartuq inuusuttunut inersimasunullu aqutissiuunneqarnissamik immikkut pisariaqartitsisunut tunngasunik ilisimasaqalissasoq aammalu aqutissiuussinermit iliuusissat periutsillu suut aqutissiuussassanut assigiinngitsunut naleqqunnerinut misissuinermit naliliinermillu ilisimasaqalissasoq.

Anguniagaq:

- Ilinniartup anguniagassaatus pilersaarutit tassaapput ilinniartuq:
- Inuusuttunik inersimasunillu aqutissiuunneqarnissamut immikkut pisariaqartitsisunik paasisimasaqalissasoq aammalu taakkua nassarinissaannut, nalilersornissaannut oqaluttuarinissaannullu misilittagaqalissasoq
- Inuusuttunik nersimasunillu aqutissiuunneqarnissanut immikkut pisariaqartitsisunik aqutissiuussinermit suliaqarnermit ajornartorsiutinik takunnissinnaanermik naliliisinnaanermillu ilisimasaqalissasoq
- Aqutissiuussinermit pisariaqartitsinerit assigiinngitsut ikiorserniarlugit aqutissiueriaatsinik naleqquttunik misissuinermit, naliliinermik toqqaaniarnermillu misilittagaqalissasoq
- Suliat akimorlugit attaveqaatini suleqatigiiffinnilu suleqataanissamut piginnaasaqalissasoq

Imarisai:

- Inuusuttunik inersimasunillu aqutissiuunneqarnissamik immikkut pisariaqartitsisunik paasininnissamut tunngatillugu tarnikkut, inooqatigiinnikkut ilinniagaqarnikkullu isiginneriaatsit
- Aqutissiuussinermit teoriit periutsillu inuusuttunut inersimasunullu

aqqutissiuunneqarnissamik immikkut pisariaqartitsisunut tunngassusillit

- ilinniarnissamut suliffeqarnissamullu neqeroorutit
- Inatsisit malittarisassallu inuusuttunut inersimasunullu aqqutissiuunneqarnissamik immikkut pisariaqartitsisunut tunngasut
- Peqataatitsineq, akulerutitsineq naligiissaarinerlu - marginalisering og stigmatisering
- Suleqatigiinneq attaveqaatillu
- lleqqorissaarnermi oqaloqatigeeriaatsinilu unammilligassat inuusuttunut inersimasunullu immikkut pisariaqartitsisunut aqqutissiuussinermut tunngasut